



# nogorikito

wadah informasi anda

Bersih • Muafakat • Sejahtera

Edisi Januari 2023

## BEKALAN MAKANAN FOKUS UTAMA BAJET 2023

Sebanyak RM9.05 juta akan diperuntukkan dengan enam inisiatif baharu dan meneruskan dua inisiatif sedia ada iaitu Pembangunan Tanah Terbiar (RM1 juta) dan Tabung Agro (RM1 juta).

› Baca lanjut di halaman 3

**RM10 JUTA BINA RUMAH HARAPAN RAKYAT**

› Halaman 4

**Karnival 25-26 November 2022**  
30 Rabiatul Akhir - 1 Jamadil Awal 1444H

**NEGERI SEMBILAN PERUNTUK RM18.68 JUTA BAGI PEMBANGUNAN PENDIDIKAN**

› Halaman 7

**NEGERI SEMBILAN BUBAR DUN MEI ATAU JUN**

› Halaman 19

## Jualan Harga Ladang Nismilan setiap Jumaat

SEREMBAN: Jualan Harga Ladang Nismilan Prihatin akan diteruskan pada tahun ini dan akan diadakan setiap hari Jumaat bagi membolehkan lebih ramai rakyat dapat manfaat daripada program jualan murah tersebut.

Menteri Besar Negeri Sembilan, YAB Dato' Seri Aminuddin Harun berkata, keputusan itu diambil selepas mengambil kira faktor ramai penduduk setempat yang balik ke kampung atau bercuti pada hujung minggu.

"Tahun lepas kita mengadakan jualan murah ini pada setiap hari Sabtu secara pusinan (rotation) di semua tujuh daerah di Negeri Sembilan.

"Walaubagaimanapun, hasil maklum balas didapati penduduk setempat mahu jualan ini diadakan pada hari bekerja (Jumaat) agar lebih ramai dapat mengambil peluang untuk mendapatkan barang-asas dengan harga lebih murah dari harga pasaran.

"Ini ialah kerana sebahagian penduduk berada di luar ka-



wasan pada hari Sabtu dan Ahad kerana urusan keluarga atau bercuti," kata Aminuddin.

Aminuddin berkata, Program Jualan Harga Ladang Nismilan Prihatin menawarkan barang keperluan

seperti ayam, ikan, sayur-sayuran dan minyak masak yang dijual dengan potongan harga di antara 20 hingga 30 peratus lebih murah daripada harga pasaran.

"Program ini merupakan manifestasi

keprihatinan Kerajaan Negeri terhadap isu kenaikan harga barang yang menghimpit rakyat di negeri ini.

"Tidak kira latar belakang, semuanya tertekan akibat kenaikan harga baran-

gan masa kini.

"Semoga inisiatif ini dapat meringankan beban yang dihadapi rakyat dalam waktu yang sukar ini," ujar beliau.

## Insentif Penanaman Napier, Pastura dan Kekacang (i-NPAK)

BAJET 2023: Bagi membantu golongan penternak dalam menghadapi isu kenaikan harga input makanan ternakan, Kerajaan Negeri Sembilan akan mewujudkan Insentif Penanaman Napier, Pastura dan Kekacang (i-NPAK) dalam usaha membantu mengurangkan kebergantungan kepada sumber makanan dedak.

Exco Pertanian dan Industri Asas Tani Negeri Sembilan, YB Dato' Ir.Bakri Sawir berkata, kadar bantuan yang

disediakan adalah sebanyak RM10,000 per ekar dengan maksimum keluasan dua ekar untuk seorang peserta yang terbuka kepada pemain industri ternakan ruminan di Negeri Sembilan.

"Input yang diberikan berupa penyediaan dan pembersihan tanah serta bekalan benih rumput.

"Untuk tujuan ini, peruntukan sebanyak RM500,000 disediakan dalam Belanjawan tahun 2023," katanya.



# Bekalan makanan fokus utama Bajet 2023 Negeri Sembilan



**EDITORIAL:** Kerajaan Negeri Sembilan meletakkan Jam-inan Bekalan Makanan sebagai bidang tumpuan utama dalam Belanjawan 2023.

Ia sebagai usaha untuk meningkatkan sekuriti makanan terutamanya dalam subsektor ternakan, sekaligus mengurangkan kebergantungan terhadap import bekalan makanan.

Sebanyak RM9.05 juta akan diperuntukkan dengan enam inisiatif baharu dan meneruskan dua inisiatif sedia ada iaitu Pembangunan Tanah Terbiar (RM1 juta) dan Tabung Agro (RM1 juta).

Bantuan input pertanian dan kemudahan infrastruktur dengan nilai maksimum RM15,000 seorang secara geran akan diteruskan di bawah Inisiatif Pembangunan Tanah Terbiar.

Kerajaan Negeri juga akan meneruskan inisiatif Tabung Agro yang berbentuk pinjaman tanpa faedah dengan nilai maksimum RM100,000 untuk tujuan pengukuhan

modal perniagaan.

Berikut enam inisiatif baharu yang akan diperkenalkan tahun ini:

## 1. Sekuriti Makanan (RM3.5 juta)

Inisiatif ini akan memberikan insentif secara barang atau in-kind kepada petani dan penternak bagi meningkatkan tahap pengeluaran masing-masing dan mampu mengurangkan kos operasi ladang sehingga 10 peratus untuk manfaat kepada lebih 150 pengusaha.

## 2. Inisiatif Nismilan Prihatin (RM1 juta)

Jualan harga ladang barang makanan asas seperti ayam, ikan, daging, telur, minyak masak dan sayur-sayuran yang dijual 20 hingga 30 peratus lebih murah berbanding harga pasaran.

## 3. i-SmarTANI (RM1 juta)

Kerajaan Negeri melihat potensi yang besar penggunaan

aplikasi pintar teknologi Internet of Think (IoT) dan Artificial Intelligence (AI) dalam sektor pertanian.

Justeru itu, satu plot pertanian moden dan berteknologi tinggi akan dibangunkan di Selandar dengan peruntukan sebanyak RM1 juta.

Plot ini akan dilengkapi dengan pelbagai infrastruktur pertanian berteknologi moden seperti sistem pengairan, rumah lindungan dan pembajaan.

## 4. Muafakat Tani (RM500 ribu)

Pakej Bantuan Personal bernilai RM1,000 bagi seorang peserta dan Pakej Komuniti bernilai RM15,000 setiap komuniti berupa pemberian kit pertanian seperti benih, baja dan tanah campuran bagi memulakan tanaman.

## 5. Insentif Penanaman Napiher, Pastura dan KeKacang (i-NPAK) (RM500 ribu)

Kerajaan Negeri mewujud-

kan insentif ini dalam usaha membantu mengurangkan kebergantungan kepada sumber makanan dedak.

Kadar bantuan yang disediakan adalah sebanyak RM10,000 per ekar dengan maksimum keluasan dua ekar untuk seorang peserta yang terbuka kepada pemain industri ternakan ruminan di Negeri Sembilan.

## 6. Sejahtera Tani (RM550 ribu)

Penglibatan golongan belia dalam industri pertanian akan terus diperluaskan dengan menggabungkan dua inisiatif terdahulu iaitu Siswazah Tani@Insist9 dan Petani Muda menjadi satu inisiatif baharu yang dinamakan Sejahtera Tani.

Inisiatif ini akan membolehkan mana-mana belia yang layak dan berminat memperoleh geran bantuan sebanyak RM10,000 maksimum.

## Aminuddin rasmi Tapak Tanaman Durian Kerajaan Negeri Sembilan

**JELEBU:** Menteri Besar Negeri Sembilan, YAB Dato' Seri Aminuddin Harun telah merasmikan Tapak Tanaman Durian Kerajaan Negeri Sembilan di Titi, Jelebu.

Aminuddin berkata, tapak tersebut dijangka mempunyai sebanyak 240 pokok durian yang terdiri daripada 20 klon durian dan durian kampung premium apabila beroperasi pada kapasiti penuh.

"Tapak ini berkeluasan 10 ekar dan bakal diberikan nama Koleksi Durian Kerajaan Negeri Sembilan.

"Kerajaan Negeri turut berhasrat untuk menjadikan tapak ini sebagai pusat pengumpulan durian daripada pembekal setempat untuk dipasarkan ke seluruh negara.

"Besarlah harapan saya supaya usaha ini dapat meningkatkan taraf socio-ekonomi masyarakat setempat secara langsung dan tidak langsung melalui tanaman durian, Insya Allah," kata Aminuddin.



## SEJAHTERA TANI: Geran bantuan RM10,000 untuk belia Negeri Sembilan

**BAJET 2023:** Kerajaan Negeri Sembilan telah memperuntukkan sebanyak RM0.55 juta untuk membantu golongan belia yang ingin memulakan projek tanaman makanan.

Exco Pertanian dan Industri Asas Tani Negeri Sembilan, YB Dato' Ir. Bakri Sawir berkata, inisiatif ini menggabungkan dua inisiatif terdahulu iaitu Siswazah Tani dan Petani Muda menjadi satu inisiatif baru yang dinamakan Sejahtera Tani.

"Inisiatif ini akan membolehkan mana-mana belia yang berminat dan layak untuk memperoleh geran bantuan sehingga RM10,000," kata Bakri.

Individu yang berminat boleh memohon di Jabatan Pertanian yang berdekatan.



# RM0.5 juta galak masyarakat usaha kebun komuniti

**BAJET 2023:** Bagi mengimbangi beban kos sara hidup rakyat dan seterusnya memupuk minat bertani di kalangan isi rumah dan komuniti, inisiatif Muafakat Tani akan diperkenalkan pada tahun 2023.

Menteri Besar Negeri Sembilan, YAB Dato' Seri Aminuddin Harun berkata, melalui inisiatif ini pakej bantuan diberikan iaitu

Pakej Personal bernilai RM1,000 bagi seorang peserta dan Pakej Komuniti bernilai RM15,000 setiap komuniti.

"Bantuan kewangan ini akan diberikan dalam bentuk pemberian kit pertanian seperti benih, baja dan tanah campuran bagi memulakan tanaman dengan jumlah keseluruhan peruntukan sebanyak RM500,000.

"Diharapkan ianya memberikan galakan kepada masyarakat untuk melaksanakan kebun komuniti masing-masing bagi mengurangkan kos belanja barang dapur," kata Aminuddin.



## Pertanian berteknologi tinggi akan dibangunkan di Sendayan

### Peruntukan RM1 juta bagi i-SmarTANI

**BAJET 2023:** Kerajaan Negeri Sembilan akan melabur RM1 juta bagi menggalakkan penyertaan komuniti dalam aktiviti pertanian.

Exco Pertanian dan Keterjaminan Makanan, YB Dato' Ir Bakri Sawir berkata, Kerajaan Negeri melihat potensi yang besar dalam penggunaan

aplikasi pintar teknologi Internet of Think (IoT) dan Artificial Intelligence (AI) dalam sektor pertanian.

"Justeru itu, satu plot pertanian moden dan berteknologi tinggi akan dibangunkan di Sendayan dengan peruntukan sebanyak RM1 juta.

"Plot ini akan dilengkapi dengan pelbagai infrastruktur pertanian berteknologi moden seperti sistem pengairan, rumah lindungan dan pembajaan.

"Inisiatif baharu ini akan dilaksana pada tahun ini di dalam Belanjawan 2023," kata Bakri.

## Negeri Sembilan peruntuk RM10 juta bina Rumah Harapan Rakyat

**BAJET 2023:** Sebanyak RM10 juta diperuntukkan bagi membina Rumah Harapan Rakyat (RHR) oleh Kerajaan Negeri Sembilan.

Menteri Besar Negeri Sembilan, YAB Dato' Seri Aminuddin Harun berkata, sehingga kini sebanyak tujuh buah RHR telah berjaya disiapkan dan 108 buah rumah sedang giat dilaksanakan oleh Perbadanan Kemajuan Negeri, Negeri Sembilan (PKNNS).

"Rumah berharga RM81,000 dilengkapi dengan tiga buah bilik dan dua buah bilik air dengan keluasan lantai 836 kaki persegi.

"Pemohon hanya perlu membayar pinjaman tanpa faedah sebanyak RM70,000 dalam tempoh 25 tahun, manakala selebihnya akan diberikan subsidi oleh Kerajaan Negeri," jelas beliau.

Aminuddin berkata, inisiatif ini telah menerima permintaan yang sangat tinggi dari rakyat khususnya di kalangan B40 yang masih belum memiliki rumah.

"Jumlah permohonan yang diterima sehingga November 2022 adalah sebanyak 466 permohonan namun kelulu-



san adalah terhad kepada 60 buah rumah sahaja setahun.

"Kerajaan Negeri juga sedang bekerjasama dengan MAINS bagi menambah dana menggunakan duit zakat bagi membina RHR untuk golongan asnaf yang dilaksanakan oleh PKNNS selaku peneraju," ujarnya.

Aminuddin turut menambah, selain dari RHR yang dibina oleh Kerajaan Negeri, terdapat juga rumah-rumah mampu milik yang dibina oleh pemaju swasta bagi memenuhi keperluan memiliki

kediaman sendiri di kalangan penduduk Negeri Sembilan.

"Sepanjang tempoh tiga tahun dari 2019 hingga 2021, sebanyak 18,796 unit Rumah

Mampu Milik Swasta dan 351 unit rumah penjawat awam telah berjaya disiapkan," kata Aminuddin.

## Negeri Sembilan perkasa Sukan Paralimpik: TAUFEK

**BAJET 2023:** Sukan Paralimpik merupakan sukan peringkat tertinggi yang melibatkan atlet kelainan upaya yang diadakan setiap empat tahun sekali serentak dengan temasya Sukan Olimpik.

Exco Pembangunan Belia dan Sukan Negeri Sembilan, YB Dato' Mohamad Taufek Abd Ghani berkata, sehubungan itu Kerajaan Negeri bersetuju

memperuntukkan sebanyak RM500,000 sebagai sokongan terhadap pembangunan Sukan Paralimpik di Negeri Sembilan.

"Inisiatif baharu ini diperkenalkan agar lebih ramai atlet kelainan upaya kelahiran Negeri Sembilan berjaya di peringkat antarabangsa," kata Mohamad Taufek yang juga ADUN Paroi.

**RUMAH HARAPAN RAKYAT**  
NEGERI SEMBILAN DARUL KHUSUS  
2023

**BELANJAWAN 2023**  
NEGERI SEMBILAN DARUL KHUSUS  
Malam Tengku, Muzium Negara

Harga Seunit RM 85,000  
Subsidi Kerajaan RM 10,000

Pembayaran Tanpa Faedah

Pinjaman Pembayaran RM 75,000

Deposit 5% = RM 3,750

TARIKH PERMOHONAN  
16 JANUARI 2023 hingga  
14 APRIL 2023

Bayaran Balik RM 238 / Bulan  
300 Bulan (25 Tahun)

www.pnns.gov.my

Perbadanan Kemajuan Negeri Negeri Sembilan  
Babagan Pembangunan Awam  
23-H, Tingkat 1, Jalan Zabut,  
10100 Semarang,  
Negeri Sembilan

f pnns

# Negeri Sembilan peruntuk RM18.68 juta bagi pembangunan pendidikan

**Negeri  
Sembilan  
berjaya kutip  
hasil  
RM521 juta**

**SEREMBAN:** Kerajaan Negeri Sembilan berjaya mengutip hasil berjumlah RM521.15 juta sehingga 30 Disember 2022.

Menteri Besar Negeri Sembilan, YAB Dato' Seri Aminuddin Harun berkata, kutipan ini bersamaan 120.64 peratus melebihi sasaran Kerajaan Negeri untuk tahun lalu iaitu RM432 juta.

"Pencapaian ini sekaligus mengubah Belanjawan Tahun 2022 dari defisit RM88 juta kepada surplus RM31 juta.

"Tahniah dan syabas saya ucapkan kepada semua jabatan yang berjaya mencipta hasil yang luarbiasa ini," katanya.



**BAJET 2023:** Pendidikan sentiasa menjadi elemen penting dalam membentuk peradaban manusia yang tinggi.

Menyedari hakikat itu, Kerajaan Negeri Sembilan akan memperuntukkan sebanyak RM18.68 juta pada Belanjawan tahun 2023.

Exco Pelaburan, Perindustrian, Keusahawanan, Pendidikan dan Modal Insan Negeri Sembilan, YB Dato' Dr.Mohamad Rafie Ab Malek berkata, peruntukan ini bagi membiayai

sebanyak sembilan inisiatif.

"Ini termasuk enam inisiatif sedia ada dan tiga inisiatif baharu.

"Inisiatif sedia ada seperti Bantuan Sekolah Tahfiz/SJKC/SJKT/Swasta, Elaun Guru Kafa, Tabung Penyelenggaraan Sekolah, Program Fast Track Lepasan Tahfiz, Bantuan Anak Sekolah (BAS) dan Biasiswa Anak Negeri akan dikekalkan," katanya.

Mohamad Rafie berkata tiga

inisiatif baharu yang akan diperkenalkan pada tahun 2023 ialah:

**1. Pembinaan Dewan Utama Kolej Yayasan Negeri Sembilan (anggaran kos RM10 juta).**

**2. Menaiktaraf Fasiliti Sekolah Agama Rakyat (SAR) dengan peruntukan RM1.68 juta.**

**2. Penubuhan Majlis Perundingan Pendidikan dan Latihan Teknikal dan Vokasional (TVET), Negeri Sembilan.**



## KHIDMAT BAKTI TERBAIK DEMI RAKYAT

Bersih • Muafakat • Sejahtera



## Geran Khas RM345,000 kepada 69 Kampung Orang Asli

**BAJET 2023:** Sejak tahun 2019, Kerajaan Negeri Sembilan telah menyediakan Geran MPKK sebanyak RM5,000 setiap tahun.

Menteri Besar Negeri Sembilan, YAB Dato' Seri Aminuddin Harun berkata, walau-

bagaimanapun geran ini hanya terhad kepada kampung-kampung tradisional sahaja.

"Sehubungan itu, bagi menzahirkan rasa kebersamaan dan rasa hormat kepada masyarakat Orang Asli, Ker-

ajaan Negeri meluluskan Geran Khas Jawatankuasa Pembangunan dan Keselamatan Kampung Orang Asli (JPPKOA) sebanyak RM5,000 kepada setiap 69 buah kampung Orang Asli yang berdaftar dengan peruntukan sebanyak RM345,000.

"Semoga dengan pemberian geran ini, dapatlah JPPKOA menganjurkan pelbagai aktiviti kemasyarakatan dan pembangunan komuniti," ujar beliau.



### Negeri Sembilan peruntuk RM2.74 juta bagi kebajikan

**BAJET 2023:** Kerajaan Negeri Sembilan memperuntukkan RM2.74 juta bagi bidang tumpuan kebajikan dalam Belanjawan 2023.

Exco Hal Ehwal Wanita dan Kebajikan, YB Nicole Tan Lee Koon berkata, Kerajaan Neg-

eri akan mengekalkan tujuh inisiatif sedia ada iaitu takaful khairat kematian bagi orang Islam dan hibah kematian bagi bukan Islam, bayaran Ex-Gratia Pengerusi MPKK yang meninggal dunia, bantuan peralatan orthopedik, tabung perubatan haemodi-

alysis, food bank dan Rumah Minda Ceria.

"Keseluruhan inisiatif ini akan melibatkan peruntukan sebanyak RM2.74 juta pada tahun 2023," katanya.

**SEREMBAN:** Seramai 1,178 individu menerima bantuan Jabatan Kebajikan Masyarakat di DUN Kota sehingga Oktober 2022.

Exco Hal Ehwal Wanita dan Kebajikan Negeri Sembilan, YB Nicole Tan Lee Koon berkata, penerima Bantuan Warga Emas adalah paling ramai iaitu 521 orang, diikuti dengan Bantuan Kanak-Kanak seramai 215 orang.

"Bantuan Am seramai 205 orang dan bantuan golongan OKU iaitu Elaun Pekerja Orang Kurang Upaya 116 orang.

"Bantuan Penjagaan Pesakit/OKU Terlantar 29 orang, Bantuan OKU Tidak Berupaya Bekerja 91 orang.

"Bagi Bantuan Anak Pelihara adalah seramai seorang.

"Jumlah perbelanjaan adalah sebanyak RM497,420." kata Nicole di Persidangan Keempat (Belanjawan) Penggal Kelima, Dewan Undangan Negeri (DUN) Negeri Sembilan Yang Ke-14.



# Negeri Sembilan bakal mewujudkan Zon Perdagangan Bebas (FTZ) di MVV 2.0

**SEREMBAN:** Kerajaan Negeri Sembilan bakal mewujudkan Zon Perdagangan Bebas (FTZ) di MVV 2.0.

Menteri Besar Negeri Sembilan, YAB Dato' Seri Aminuddin Harun berkata, Kerajaan Negeri telah mendapat kelulusan

dari pihak Kementerian Kewangan bagi tujuan tersebut.

"Walaubagaimanapun, kita kena cari tapak (parcel) yang sesuai dan mengkaji model perniagaan apa yang sesuai untuk diletakkan dalam zon FTZ di MVV 2.0.

"Kita kena tengok perniagaan apa yang sesuai di FTZ dan melihat keperluan perindustrian, perniagaan biasa atau perniagaan intergrated (industri, pusat komersial dan pusat membeli belah)," kata beliau.

Aminuddin berkata, usaha untuk mewujudkan FTZ di MVV 2.0 akan diteruskan termasuk membawa masuk pelabur bagi menjayakan projek tersebut.

# Kerajaan Negeri kaji kebolehlaksanaan pembangunan Bandar Baru Sri Palong 4, 5 & 6

**SEREMBAN:** Kerajaan Negeri Sembilan akan mengkaji kebolehlaksanaan pembangunan Bandar Baru Sri Palong 4, 5 & 6 yang berlaku pencerobohan dan bangunan yang dibina tanpa perancangan serta kelulusan.

Menteri Besar Negeri Sembilan, YAB Dato' Seri Aminuddin

Harun berkata, oleh itu sejumlah bajet telah diperuntukkan bagi melihat beberapa faktor seperti keselamatan, keperluan pembangunan bandar yang selamat dan memenuhi keperluan penduduk setempat.

"Pihak ketiga iaitu juruperunding turut dilantik bagi

menjalankan kajian supaya hasil kajian tersebut memberi gambaran yang bebas dan tidak dipengaruhi oleh mana-mana pihak berkepentingan.

"Hasil kajian ini juga dapat membantu Kerajaan Negeri dalam merancang pembangunan akan datang di ka-

wasan berkenaan bagi memastikan guna tanah dalam kawasan kajian lebih terancang," kata Aminuddin.

**PEMBUKAAN SEMULA PEJABAT MAINS DAERAH JEMPOL**

Pejabat MAINS Daerah Jempol akan dibuka semula ke alamat:  
No. 20, Jalan Casuarina 3 (Perhentian Bas),  
Pusat Perniagaan Casuarina,  
72100 Bahau, Negeri Sembilan  
bermula 25 Januari 2023 (Rabu).

• Perkhidmatan yang disediakan:  
**Pengiraan & Pembayaran Zakat**  
**Permohonan Bantuan Zakat**  
**Wakaf**  
**Pengurusan Harta Orang Islam**  
**Kaunseling Asnaf & Komuniti**

• No. telefon:  
06-455 3390 / 392 / 393 / 394, 06-454 1928

• Waktu operasi:  
Isnin - Khamis 8.30 pagi - 4.45 petang  
Jumaat 8.30 pagi - 12.15 tengah hari  
2.45 petang - 4.45 petang

  
[www.mains.gov.my](http://www.mains.gov.my)

**PEMBUKAAN SEMULA PEJABAT MAINS DAERAH KUALA PILAH**

Pejabat MAINS Daerah Kuala Pilah akan dibuka semula ke alamat:  
No. 3, Jalan Angkasa Jaya,  
Taman Bukit Pilah Perdana,  
72000 Kuala Pilah, Negeri Sembilan  
bermula 16 Januari 2023 ( Isnin ).


• Perkhidmatan yang disediakan:  
**Pengiraan & Pembayaran Zakat**  
**Permohonan Bantuan Zakat**  
**Wakaf**  
**Pengurusan Harta Orang Islam**  
**Kaunseling Asnaf & Komuniti**

• No. telefon:  
06-482 1388, 06-484 1240, 06-482 1307

• Waktu operasi:  
Isnin - Khamis 8.30 pagi - 4.45 petang  
Jumaat 8.30 pagi - 12.15 tengah hari  
2.45 petang - 4.45 petang

  
[www.mains.gov.my](http://www.mains.gov.my)

# Jaminan Bekalan Makanan Negeri Sembilan 2023



Sebarang pertanyaan dan permohonan boleh berhubung dengan  
Jabatan Pertanian Negeri Sembilan

## 10 gerai penjaja baharu akan dibina dengan kos RM196,650

**SEREMBAN JAYA:** Sebanyak 10 gerai penjaja baharu akan dibina dengan peruntukan RM196,650 di Taman Tuanku Ampuan Najihah.

Ahli Dewan Undangan Negeri (ADUN) Seremban Jaya, YB P.Gunasekaren berkata, pembebasan semula dan pembinaan gerai yang baharu ini adalah demi kebajikan penjaja tempatan yang sudah lama berniaga di tapak lama yang cukup terkesan sejak tempoh PKP dan pandemik Covid-19.

"Peniaga akan memiliki gerai yang standard, lebih selesa dan boleh menjalankan perniagaan secara sah kerana akan memiliki lesen bagi menjalankan perniagaan tanpa sebarang masalah.

"Terima kasih kepada pihak MBS yang telah meluluskan peruntukan bagi pembinaan gerai penjaja yang lebih sistematis," ujar Gunasekaren.

Gunasekaren berkata, notis pengosongan telah dikeluarkan kepada para peniaga pada 28 Disember lalu.

"Tapak sementara peniaga turut disediakan di kawasan premis perniagaan/kedai di Jalan Tan 1/10, Taman Tuanku Ampuan Najihah bagi memulakan dan memudahkan kerja-kerja pembinaan gerai penjaja seperti yang dijanjikan," ujar Gunasekaren.

Turut hadir, Ahli Majlis Bandaraya Seremban, Puan Jamilah Said Ali.



## Jalan Tanjung Ipoh – Ranjau Hantu akan dinaiktaraf

**SEREMBAN:** Kerajaan Negeri Sembilan akan menaiktaraf Jalan Tanjung Ipoh ke Ranjau Hantu bagi mengurangkan kesesakan Jalan Seremban – Kuala Pilah terutamanya ketika hujung minggu atau cuti perayaan.

Menteri Besar Negeri Sembilan, Datuk Seri Aminuddin Harun berkata, oleh itu atas keprihatinan Kerajaan Negeri, Jalan Tanjung Ipoh ke Ranjau Hantu yang menghubungkan kampung-kampung tradisi seperti Kampung Ampang Tinggi, Kampung Pulau Jelebu

dan Kampung Kuala Serdang ke Pekan Kuala Pilah dan Tanjung Ipoh akan dinaiktaraf.

"Projek ini akan dilaksanakan di bawah Belanjawan 2023 bagi mewujudkan jalan alternatif bagi mereka yang ingin ke Seremban dan Kuala Pilah

dengan anggaran kos projek sebanyak RM12.5 juta," kata Aminuddin.

Aminuddin berkata demikian dalam Persidangan Keempat (Belanjawan) Penggal Kelima DUN Negeri Sembilan Yang Ke-14 pada 25 November lalu.

**YAYASAN NEGERI SEMBILAN**

**BANTUAN SARA HIDUP (BSH) MAHASISWA 2023**

PERMOHONAN DIBUKA 1 JANUARI 2023!  
UNTUK ANAK NEGERI SEMBILAN  
MENUNTUT DI IPTA DAN POLITEKNIK  
AWAM SAHAJA  
MOHON SEKARANG!

IMBAS KOD DISINI

**YAYASAN NEGERI SEMBILAN**

**BANTUAN KOMPUTER RIBA 2023**

PERMOHONAN KINI DIBUKA!  
UNTUK ANAK NEGERI SEMBILAN  
MENUNTUT DI IPTA DAN POLITEKNIK  
SAHAJA  
MOHON SEKARANG!

IMBAS KOD DISINI

# 60 pelajar terima sumbangan beg sekolah daripada Rafie

**AMPANGAN:** Seramai 60 orang pelajar telah menerima sumbangan beg sekolah daripada Ahli Dewan Undangan Negeri (ADUN) Ampangan, YB Dato' Dr. Mohamad Rafie Ab Malek di Balai Raya Kampung Ismail.

Mohamad Rafie berkata, penerima terdiri daripada pelajar tadika, sekolah rendah

dan sekolah menengah.

“Di dalam beg tersebut turut disertakan buku tulis dan peralatan menulis.

“Program ini dilakukan supaya selaras dengan agenda Kerajaan Pakatan Harapan Negeri Sembilan bagi mengutamakan sektor pendidikan.

“Rekod pencapaian pendidikan di negeri ini juga amat membanggakan apabila mencatatkan prestasi terbaik enam tahun berturut-turut.

“Namun, usaha yang lebih kerap perlu dilakukan untuk mempertingkatkan mutu pendidikan di Negeri Sembilan,” kata Mohamad Rafie.



# 12 individu terima sumbangan kewangan daripada Cha

**RASAH:** Seramai 12 orang individu telah menerima sumbangan kewangan daripada Ahli Parlimen Rasah, YB Cha Kee Chin.

Cha berkata, penerima terdiri daripada mereka yang berpendapatan rendah dan memerlukan bantuan.

“Terdapat diantara mereka yang telah memohon sebe-

lum PRU-15 lalu, tetapi saya tidak dapat memberikannya bagi mengelakkan persepsi politik wang.

“Saya akan berusaha untuk membantu meringankan beban mereka,” kata Cha.

## Saiful santuni pesakit darah tinggi

**SUNGAI LUI:** Penyelaras DUN Sungai Lui, Tuan Saiful Bahri Jaaman telah menyantuni Encik Norzinan yang mengidap penyakit darah tinggi.

Saiful berkata, beliau dimaklumkan oleh pegawainya bahawa Encik Norzinan terkena serangan darah tinggi sehingga mengakibatkan oksigen tidak sampai ke otak tempoh hari.

“Saya turut memberikan sumbangan barang asas kepada beliau bagi meringankan beban beliau.

“Saya berdoa agar beliau diberikan kesihatan yang baik,” kata Saiful.



## Sembilan pelajar terima Biasiswa Anak Negeri daripada Razali



**SENALING:** Penyelaras DUN Senaling, Tuan Mohd Razali Abdul Latif telah menyampaikan Biasiswa Anak Negeri (BAN) kepada sembilan orang pelajar.

Mohd Razali berkata, penerima terdiri daripada pelajar Sekolah Menengah Kebangsaan Tunku Kurshiah.

"BAN merupakan inisiatif daripada Kerajaan Pakatan Har-

pan Negeri Sembilan untuk pelajar yang kurang berkelebihan.

"Saya berharap agar biasiswa ini dapat digunakan dengan sebaiknya di samping meringankan beban yang ditanggung mereka."

"Sumbangan ini telah diberikan kepada ibu bapa pelajar," kata Mohd Razali.

## Tabika Perpaduan Taman Bahau terima sumbangan kewangan daripada Musliadi



**JERAM PADANG:** Penyelaras DUN Jeram Padang, Tuan Musliadi Sabtu telah memberikan sumbangan kewangan kepada Tabika Perpaduan Taman Bahau.

Musliadi berkata, sumbangan tersebut bagi membantu pihak tabika menjalankan aktiviti pelajar.

"Semoga aktiviti yang dijalankan dapat memberi faedah kepada pelajar," kata Musliadi.

Sumbangan tersebut diserahkan kepada guru Tabika Taman Perpaduan, Puan Norliza Idris.

## Mangsa kemalangan terima sumbangan katil hospital daripada Ismail

**LABU:** ADUN Labu, YB Dato' Ismail Ahmad telah memberikan sumbangan katil hospital kepada Encik Riduan Isa di Kampung Kubang.

Ismail berkata, Encik Riduan terlibat da-

lam kemalangan di tempat kerjanya.

"Semoga sumbangan ini dapat membantu meringankan beban beliau."

"Saya juga mendoakan agar beliau

segera sembuh," kata Ismail.

Sumbangan tersebut disampaikan oleh Pengurus MPKK Kampung Kubang, Encik Ismail Mohd Aneepa yang mewakili YB Dato' Ismail Ahmad.

**TUNS 2023**

Bantuan pembiayaan dalam bentuk GERAN berjumlah sehingga RM3,000 yang disasarkan kepada PENJAJA / PENIAGA KECIL di Negeri Sembilan

- Warganegara Malaysia & anak Negeri Sembilan / pengundi di Negeri Sembilan
- Pendaftaran perniagaan di SSM sebelum 1 Oktober 2022
- Penaja atau penilaik kecil yang mencatatkan jualan kurang daripada RM100,000 setahun
- Beroperasi dan beralamat di Negeri Sembilan
- Tidak berstatus Muflis
- Tidak pernah menerima TUNS

# Negeri Sembilan bantu 22,373 pelajar IPT, peruntukan RM19.96 juta

**SEREMBAN:** Kerajaan Negeri Sembilan telah menyalurkan bantuan kewangan kepada 22,373 pelajar Institut Pengajian Tinggi (IPT) yang kurang kemampuan sejak tahun 2018.

Menteri Besar Negeri Sembilan, YAB Dato' Seri Aminuddin Harun berkata, Kerajaan Negeri telah membantu seramai 22,373 orang pelajar untuk daftar masuk ke IPT dengan

jumlah peruntukan sebanyak RM19.96 Juta.

"Selepas Pakatan Harapan mengambil alih pentadbiran Kerajaan Negeri bermula tahun 2018, kadar bantuan kemasukan IPT telah dipindah iaitu pelajar jurusan Ijazah dan Sarjana akan menerima bantuan sebanyak RM1,000 manakala pengajian Diploma akan menerima bantuan se-

banyak RM750.

"Manakala pelajar yang mengambil Sijil atau menyambung pengajian di peringkat Matrikulasi serta program Asasi layak dipertimbangkan untuk menerima bantuan sebanyak RM500.

"Bantuan Kewangan Kemasukan Ke IPT ini diberikan secara one-off kepada para pelajar

daripada keluarga berpendapatan kurang daripada RM4,000 sebulan," kata beliau di Persidangan Keempat (Belanjawan) Penggal Kelima, Dewan Undangan Negeri (DUN) Negeri Sembilan Yang Ke-14.

Permohonan bantuan ini boleh dilakukan melalui aplikasi N9 Digital atau melalui laman web [www.n9.digital](http://www.n9.digital).

## Bakri saran sekolah adakan program motivasi tingkatkan mutu akademik pelajar



**KLAWANG:** Exco Pertanian dan Industri Asas Tani Negeri Sembilan, YB Dato' Ir.Bakri Sawir menyarankan pihak sekolah mengadakan program

motivasi secara berkala bagi meningkatkan mutu akademik pelajar.

"Saya menyokong usaha pi-

hak Sekolah Menengah Kebangsaan Dato' Undang Syed Ali Al-Jufri, Simpang Gelami mengadakan Program Motivasi Barakah Islamiah bagi

meningkatkan mutu akademik dan sahsiah murid-murid mereka.

"Saya menyeru kepada murid-murid supaya tidak meninggalkan aspek kerohanian dalam hidup selari dengan akademik.

"Kepada Pengetua Puan Hafsaht serta tenaga pengajar, saya ucapkan tahniah di atas penganjuran program motivasi antara guru, ibu bapa dengan murid yang saya anggap sebagai berjaya.

"Saya berharap agar murid-murid sekolah ini mencapai keputusan Straight A's tercapai, Insyah Allah," kata Bakri yang juga Ahli Dewan Undangan Negeri (ADUN) Klawang.



## Negeri Sembilan bina jalan baharu, hubung Lukut -Kampung Baru SiRusa

**SEREMBAN:** Kerajaan Negeri Sembilan melalui Jabatan Kerja Raya (JKR) sedang melaksanakan projek membina jalan penghubung dari Lukut ke Kampung Baru SiRusa (melalui Kampung Paya dan Kampung Bagan Pinang) di Daerah Port Dickson.

Menteri Besar Negeri Sembilan, YAB Dato'

Seri Aminuddin Harun berkata, tarikh milik tapak ialah pada 5 Ogos 2022 dan projek ini dijangka siap pada 4 Ogos 2025.

"Status semasa projek pada masa ini ialah sedang melaksanakan proses pengambilan balik tanah.

"Projek ini dilaksanakan di bawah peruntukan Kementerian Pembangunan Luar

Bandar," katanya.

Sementara itu Aminuddin berkata, pihak JKR juga telah mengangkat permohonan projek menaiktaraf Jalan Melaka/Lubok Cina – Port Dickson (Teluk Kemang) Lalu-an FT005 di bawah RMK-12, RP3 ke Kementerian Kerja Raya pada 5 Januari 2022.

## Pesakit kencing manis terima sumbangan kewangan daripada Latif

**GEMENCHEH:** Penyelaras DUN Gemencheh, Tuan Abd Latif A.Tambi telah memberi sumbangan kewangan kepada Puan Angelai Thangavelu di Air Kuning Selatan.

Abd Latif berkata, Puan Angelai mengidap sakit kencing manis dan menyebabkan kaki kanannya dipotong.

"Saya turut memberikan lampin pakai buang bagi meringankan beban beliau dan ahli keluarganya.

"Dalam pada itu saya turut memberikan sumbangan tiga buah kerusi roda kepada tiga individu yang kezuruan iaitu Puan Fazielah Ismail, Kampung Mantai; Puan Sarah Hussain, Kampung Sungai Jernih dan Puan Siti Zaleha Mohd Ali di Kampung Tengah.

"Semoga sumbangan yang diberikan dapat membantu mengurangkan dan memberi manfaat kepada penerima," kata Abd Latif.



## Kerajaan Negeri luluskan 5,985 projek baiki jalan

**SEREMBAN:** Kerajaan Pakatan Harapan Negeri Sembilan telah meluluskan sebanyak 5,985 projek pembaikan jalan di bawah peruntukan MARRIS sejak tahun 2019 sehingga tahun ini.

Menteri Besar Negeri Sembilan, YAB Dato' Seri Aminuddin Harun berkata, sebanyak RM1.29 bilion telah diperuntukkan bagi semua projek penyelesaian jalan sepanjang 5,376 kilometer.

"Besarlah harapan saya agar pembaikan ini dapat memudahkan urusan rakyat Negeri Sembilan dan seterusnya menjadikan negeri ini sejahtera selaras cogan dengan kata Bersih, Muafakat, Sejahtera," kata Aminuddin.



# Pasar Borneo Sarawak, tarikan baharu di Seremban

**SEREMBAN JAYA:** Ahli Dewan Undangan Negeri (ADUN) Seremban Jaya, YB P.Gunasekaren telah merasmikan Pasar Tamu Dayak Seremban atau lebih dikenali sebagai Pasar Borneo Sarawak di Medan Rahang.

Gunasekaren berkata, Pasar Borneo Sarawak ini telah mula beroperasi sejak 28 Ogos lalu dengan penyertaan 21 gerai yang menjual pelbagai jenis jualan dari Sarawak seperti makanan, kraftangan, pakaian dan sebagainya.

"Pasar Borneo Sarawak ini adalah cadangan Ahli Majlis

Bandaraya Seremban (MBS), Puan Winnie Suri dan turut mendapat sokongan Datuk Bandar MBS, Dato' Masri Razali dan Setiausaha MBS, Tuan Mas Midyawan dan Pengarah Jabatan Pelancongan.

"Pasar Borneo Sarawak ini juga mampu menjadi daya tarikan pelancong di Seremban terutamanya ramai masyarakat yang berasal dari Sarawak menetap di Seremban," kata Gunasekaren.

Pasar Tamu Dayak Seremban ini akan dibuka setiap hari Ahad bermula jam 8.00 pagi hingga 12.00 tengahari.



## Pembinaan Dewan Utama Kolej Yayasan Negeri Sembilan RM10 juta

**BAJET 2023:** Kerajaan Negeri Sembilan akan membina sebuah dewan utama di Kolej Yayasan Negeri Sembilan, di Gentam, Kuala Pilah.

Menteri Besar Negeri Sembilan, YAB Dato' Seri Aminuddin Harun berkata, kesinambungan dari kejayaan pembinaan bangunan akademik baru Kolej Yayasan Negeri Sembilan di Gentam; Kerajaan Negeri Sembilan bertekad untuk terus memperkasakan lagi taraf dan kemudahan di kolej tersebut.

"Bagi tujuan tersebut, sebuah dewan utama yang serba lengkap secara geran padanan di antara Kerajaan Negeri dan Yayasan Negeri Sembilan akan dibina dengan anggaran kos sebanyak RM10 juta," kata Aminuddin.



## SK Taman Tuanku Jaafar 2 terima sumbangan kewangan daripada Taufek

**PAROI:** Sekolah Kebangsaan Taman Tuanku Jaafar 2 telah menerima sumbangan kewangan daripada Ahli Dewan Undangan Negeri (ADUN) Paroi, YB Dato' Mohamad Taufek Abdul Ghani.

Mohamad Taufek berkata, "Sumbangan tersebut bagai membantu pihak sekolah menjalankan aktiviti pelajar. Ia ringkas di sekolah itu," kata Mohamad Taufek.

"Sumbangan tersebut telah diserahkan dalam satu maj-

## Pelan tindakan kurangkan risiko banjir di Johol

**SIDANG DUN:** Jabatan Pengairan Saliran (JPS) Negeri Sembilan melalui JPS Daerah Kuala Pilah telah melaksanakan beberapa pelan jangka masa pendek bagi mengurangkan risiko banjir khususnya di kawasan Johol.

Menteri Besar Negeri Sembilan, YAB Dato' Seri Aminuddin Harun berkata, kerja-kerja penyaluran untuk mengurangkan risiko banjir Anak Air Taling di Kampung Geduhum telah siap sepenuhnya pada 6

April 2022 berjumlah RM19,750.

"Kerja-kerja membina ban di tebing sungai untuk mengurangkan risiko banjir di Sungai Johol di Kampung Kuala Johol telah siap sepenuhnya pada 1 Ogos 2022 berjumlah RM19,842.

"Kerja-kerja penyaluran Sungai Jelai di Kampung Air Taling telah siap sepenuhnya pada 11 Ogos 2022 berjumlah RM72,730.

"Kerja-kerja membina struktur penahan tebing (Gabion) Sungai Johol di Kampung Pasit telah siap sepenuhnya pada 2 September 2022 berjumlah RM84,102.

"Program pemuliharaan Sungai Batang Jelai bagi mengurangkan risiko banjir di Kampung Kabong telah siap sepenuhnya pada 12 Julai 2022 berjumlah RM37,600," jelas Aminuddin.



## Negeri Sembilan sumbang RM42 ribu kepada mangsa banjir Palong

**SIDANG DUN:** Kerajaan Pakatan Harapan Negeri Sembilan telah membantu mangsa banjir di DUN Palong dengan jumlah sumbangan sebanyak RM42,000.

Menteri Besar Negeri Sembilan, YAB Dato'

Seri Aminuddin Harun berkata, kejadian bencana banjir awal tahun 2022 telah menyaksikan ramai mangsa yang terlibat di seluruh Negeri Sembilan termasuk DUN Palong.

"Seramai 42 keluarga telah menerima bantuan sebanyak RM1,000 bagi setiap keluarga meliputi penduduk Felda Palong 7 dan Kampung Jeram Panjang," kata beliau.

Nak tahu **apa yang terkini dan best** tentang Negeri Sembilan?

**LAYARI PORTAL NEGERI KITA**

[www.negerikita.org](http://www.negerikita.org)



# Negeri Sembilan bubar DUN Mei atau Jun



**SEREMBAN:** Dewan Undangan Negeri (DUN) Negeri Sembilan akan dibubarkan pada bulan Mei atau Jun ini bagi membolehkan Pilihan Raya Negeri (PRN) diadakan.

Menteri Besar Negeri Sembilan, Dato' Seri Aminuddin Harun berkata, fokus utama Kerajaan Negeri buat masa ini ialah melaksana segala inisiatif dan insentif yang diumumkan dalam Belanjawan 2023.

"Ini selari dengan pendirian Kerajaan Negeri sebelum ini yang mahu memberikan perkhidmatan terbaik kepada rakyat negeri ini sehingga habis mandat lima tahun.

"Politik sekarang agak dinamik dan stabil. Kita kurangkan cerita politik tetapi fokus soal pembangunan dan ekonomi Negeri Sembilan," katanya.

## 26 penduduk Kg LBJ terima surat kelulusan pemberiman tanah daripada Aminuddin

**SEREMBAN:** Seramai 26 orang penduduk Kampung LBJ, Bandar Baru Enstek terima kelulusan pemberiman tanah daripada Menteri Besar Negeri Sembilan, YAB Dato' Seri Aminuddin Harun.

Aminuddin berkata, dengan serahan surat tersebut, Kerajaan Negeri hampir merealisasikan harapan mereka untuk memiliki geran tanah yang diduduki selama lebih 30 tahun.

"Besarlah harapan saya agar para penerima surat kelulusan pada hari ini segera membuat pengukuran semula agar tindakan pengeluaran hak milik dapat dilaksanakan dengan cepat," kata Aminuddin.



## 13 Pengurus dan SU MPKK DUN Linggi terima Bantuan

**LINGGI:** Seramai 13 Pengurus dan Setiausaha MPKK DUN Linggi telah menerima Bantuan Kewangan Khas (BKK) daripada Penyelaras DUN Linggi, Tuan Rusli Abdullah.

Rusli berkata, sumbangan BKK tersebut merupakan inisiatif Kerajaan Negeri kepada MPKK.

"Semoga sumbangan ini akan menyemarakkan semangat mereka untuk bekerja lebih kuat membantu rakyat," kata Rusli.



## Negeri Sembilan sediakan 80 ekar lot tanah kediaman untuk Generasi Kedua Felda

**BAJET 2023:** Kerajaan Negeri Sembilan akan menyediakan lot tanah bagi membina kediaman untuk Generasi Kedua Felda.

Menteri Besar Negeri Sembilan, YAB Dato' Seri Aminuddin Harun berkata, penyediaan lot tanah ini akan melibatkan seluas 80 ekar iaitu 50 ekar tanah dalam kawasan Felda di daerah Jempol dan 30 ekar tanah lagi dalam kawasan Felda di daerah Tampin.

"Inisiatif baharu ini dilaksanakan melalui kaedah penyediaan lot-lot tanah untuk tapak rumah bagi generasi kedua dan ketiga FELDA.

"Inisiatif ini akan dilaksanakan di atas tanah milik Kerajaan Negeri yang sepatutnya diserahkan oleh Felda sebagaimana yang termaktub dalam perjanjian," kata Aminuddin.

### Lot kediaman bersaiz 4,000 kaki persegi

Aminuddin berkata, tanah-tanah yang dikenalpasti akan dipecahkan kepada lot-lot kediaman bersaiz 4,000 kaki persegi untuk diberikan kepada generasi kedua dan ketiga Felda yang layak bagi memastikan mereka mempunyai peluang untuk memiliki kediaman sendiri dalam gugusan Felda sedia ada.

"Alhamdulillah pada 6 Oktober 2022 yang lalu saya telah menyempurnakan Majlis Pecah Tanah Lot Kediaman Felda Generasi Kedua di Felda Palong 12.

"Sehubungan itu, Kerajaan Negeri memperuntukkan sebanyak RM350,000 bagi kerja-kerja awal penyediaan lot-lot tanah generasi kedua Felda pada tahun 2023.

"Insya-Allah, semoga usaha ini berjalan lancar dan generasi kedua Felda bakal memiliki lot tanah kediaman sendiri," kata Aminuddin.

## Kompleks JHEAINS Kuala Pilah bukti syiar Islam terus dimartabatkan

**EDITORIAL:** Alhamdulillah, Kompleks Jabatan Hal Ehwal Agama Islam Negeri Sembilan (JHEAINS) Kuala Pilah akhirnya selesai dibina.

Dengan reka bentuk berlatarbelakang Minangkabau, bangunan ini bakal menjadi mercu tanda baharu masyarakat Islam setempat.

Pembinaan kompleks ini dapat memberi manfaat kepada masyarakat setempat selain merangsang kakitanan JHEAINS supaya bekerja dengan gigih dan berdedikasi.

Ia juga merupakan bukti bahawa kerajaan Negeri Sembilan amat cakna akan pembangunan Islam di negeri ini.

Justeru itu, adalah menjadi harapan Kerajaan Negeri agar hal-hal berkaitan pembangunan Islam setempat dapat diselesaikan dengan lebih mudah.

Insya Allah satu lagi Kompleks JHEAINS akan dibina di daerah Port Dickson.



# TUNS Plus 2023

Bantuan pembiayaan dalam bentuk PINJAMAN MUDAH TANPA FAEDAH berjumlah sehingga RM15,000 yang disasarkan kepada USAHAWAN MIKRO di Negeri Sembilan

**PINJAMAN MUDAH**

- Warganegara Malaysia & anak Negeri Sembilan / pengundi di Negeri Sembilan
- Pendaftaran permohonan di SSM sebelum 1 April 2022
- Berstatus Mikro yang mencatatkan jualan kurang daripada RM300,000 setahun
- Berumur di antara 21 hingga 55 tahun
- Beroperasi dan beralamat di Negeri Sembilan
- Beroperasi di premis / tapak permukaan & mempunyai lesen / permit Pihak Berkuasa Tempatan (PBT)
- Akaun permohonan yang sah dan aktif sekurang-kurangnya 6 bulan
- Tidak berstatus Muflis
- Tidak pernah menerima TUNS Plus